

Historiarum & Poeseos Studiosis S.P. : Rectius informati, quiq[ue] non
cum multis in ipsa vita ... ; P.P. Ienae d. 30. Augusti. Anno MDCXLVI.

[Jena]


Sagittarius, Johann Christfried

Phil 2° 00268/04 (063)

https://dhb.thulb.uni-jena.de/receive/ufb_cbu_00013147

urn:nbn:de:urmel-95582409-90ea-4b09-a3ae-ef245b582a4a9-00012373-18

Lizenz: <http://rightsstatements.org/vocab/InC/1.0/>



HISTORIARUM & POESEOS STUDIOSIS S.P.



Rectius informati, quiq; non cum multis in ipsa vita præter-propter vitam oberrant, triplici potissimum de causâ in Historicorum lectione sunt occupati. Prima est, *ut seriem temporum cognoscant*: altera, *ut styli laudes non contemnendas consequantur*: ultima, *ut in civili prudentia erudiantur*. De primo res est clara. Quia enim penè omnium seculorum, omniumq; Gentium, res gestas Historia menti oculisq; exponit, & quo quid factum tempore aut seculo, tradit; *temporum testis* in secundo de Oratore à Tullio adpellatur. Nec in secundo elegantia ingenia, vana spe decepta, dimittuntur. Quid enim *Xenophonte* dulcius? quid *Thucydide* subtilius? quid *Herodoto* uberius? quid *Polybio* prudentius? quid *Plutarcho* doctius? quid *Livio* grandius? quid *Salustio* nervosius? quid *Tacito* tersius? ut non immeritò Græcam & Latinam lingvas, in iis maximam partem conservatas esse, sit concedendum. Tertium quoq; prudentibus sui lectoribus Historia largitur, *vitam magistrâ* hinc dicta. Refert enim de pace, de bello, de otio, de seditione, de induciis, aliisq; eo lape iudicio & censura, ut, qui penitus ea considerat, statim quæ iusta, quæ iniusta; quæ honesta, quæ turpia sint, deprehendat, & mentis excitatæ stimulos sentiat. Quis enim *Astygia* immanitatem, patri filium epulandum adponentis, non detestetur? Quis *Cambyse*, *Neronis*, *Domitiani*, & similibus monstrorum, crudelitatem in odio non prosequatur inter necino? Quis *Cyri* & *Trajani* bonitatem & clementiam summis non efferat laudibus? quis verba *Seneca* Philosophi, cum homini necessitas ultima denunciaretur, apud C. Tacitum l. xv. Annal. legens, omnes Neroni Furias non imprecetur? sed è diverticulo in viam. Quia Serenissimi & Celsissimi, utriusq; lineæ, Principes, Duces Saxonæ Juliaci, Cliviæ & Montium &c. Nutriti hujus Universitatis Munificentissimi, Principes & Domini mei Clementissimi, præviâ Procerum Academicorum benivolâ denominatione, Historiarum & Poeseos Professionem Clementissimè mihi injunxerunt, ad tres illôs laudatos fines, divinâ benedictione adjuto fuerit respiciendum. Laborabo enim, ut præcisâ annorum scrupulosâ supputatione synchronismi attendantur, & Sacræ cum profanis Historiis, suo quæq; seculo, conjungantur. Si gravior quædam oratio; si sententia nobilior; si quid ex Antiquitate eruendum declarandumq; occurrerit, eo, quo debeo, candore, fideq; ex classico Scriptore prælectum notandum monstrabo. Nec præter mittam quæ ad civilis prudentiæ præcepta spectare videbuntur. *Maximè n. salubre in Historia cognitione, atq; frugiferum, omnia exempli documenta in illustri posita intruere. Unde tibi, tuaq; Reip. quod imisere capias. Inde sædum inceptu, sædû exitu, quod vites; ut Livius procem. l. i. loquitur.* Sequar autem quod felix, faustû, fortunatumq; sit! vestigia Cl. *Sleidani de summis quatuor imperiis*, ab admodum Reverendo Ampliss. Clariss. atq; Excellentiss. Domino Johanne Musæo, SS. Theol. D. & ejusdem in hac inclyta Salana Prof. Publ. celeberrimo, Rectore hujus Universitatis p. t. Magnifico, Antecessore & Fautore meo honoratissimo, superiori quoq; anno prælecti. Quia etiam binæ tantum horæ singulis septimanis lectioni Historiarum, totidemq; Poeseos, à venerandis majoribus sunt statutæ, decrevi, si per valetudinem, aliaq; mala, licuerit libellum istum integro vertente anno usq; ad tempora Imperatorum Romanorum declarare. *Horatii* Lyricorum principis, *Odarum* libros, primum & secundum sperarem dicto spatio annuo posse absolvi. His, more majorum, Oratio de *Historiarum veritate* præmittetur. Cui ad d. 31. hujus mensis, hora 10. antemeridiana, habendæ, ut vacivas, facilesq; aures præbeant Magnificus Dn. Rector, Excellentissimi Dnn. Professores, reliquiq; Academia cives, vt & Nobilissima & Florentissima Studioforum corona submissè, perofficiose, & amanter rogo, tantum beneficium æternâ culturus memoriâ

P.P. Jenæ d. 30. Augusti. ANNO clō 18c XLVI.

M. Johan. Christfried Sagittarius,
Uratist. Silef. Hist. & Poef. P.P.

Prælo Sengenvvald - & Freyschmiediano.

urn:nbn:de:urmel-95582409-90ea-4b09-a3ae-ef245b582a4a9-00012373-23